



# ВЫЛЬ СІЗЕН



ОТДЕЛ  
РЕЛИГИОЗНОГО  
ОБРАЗОВАНИЯ

## ИУДА АПОСТОЛЛЭН ЫСТЭМ ГОЖТЭТЭЗ

<sup>1</sup>Иуда, Иисус Христослэн ляльчиез, Иаковлэн братэз, өтйськем муртъёслы, кинъёс Инмар Атай бордын дун-чылкыт луэмын, Иисус Христосэн утемын. <sup>2</sup>Гажаса-жаляса, тупаса, яратыса улон тй пöлын мед йылозы.

<sup>3</sup>Гажаноосы! Асьмелэн огъя утиськонмы сярись тйледлы гожтыны бадзым мылкыды ванен, мон тйледлы таёе курон гожтоно шуыса малпай – вö-сяськись калыклы пырак ёожелы сётэм осконэз утыны тыршыса ужалэ. <sup>4</sup>Уго куд-ог сьöлыклэсь кышкасьтэмъёс, асьмелэн Инмармылэсь дэлэтсэ азыса улон пала берыктйсьёс, одйг гинэ Кузё-Атаймылэсь Инмарлэсь но Кузё-Инмармылэсь Иисус Христослэсь куштйськисьёс лушкемен асьме пöлы пыризы – соослэн суд улэ сюронзы сярись вашкала дауръёсы ик гожтэмын вал ини.

<sup>5</sup>Мынам тйледлы, тае тодйсьёслы, тодады вайытэме потэ: Кузё-Инмар Израиль калыкез Египетысь мозмытйз, нош бöрысь соос пöлысь оскымтэосты быдтйз. <sup>6</sup>Кылчинъёсты но, кудъёсыз Инмарлэсь соослы сётэм выйлыко луонзэс утыны öз быгатэ, асьсэлэсь улон интызэс куштыса кошкизы – соосты пырак вапумъёс ёоже пеймыт азын туж бадзым нуналлэн судэз дыръялы жильетын думылыса возе. <sup>7</sup>Кызыы Содомен Гоморра но соос вöзысь городъёс, соос выллем ик азонкалгон сьöлык пöлы усемъёс, пиосмурт пиос-



муртэн, кышномурт кышномуртэн сьӧлыке пы-  
рисьёс, чик кысылйсьтэм тыл пӧлы курадзонэ  
сюризы – мукетьёссэ алон понна.

<sup>8</sup>Чылкак озьы ик луоз таосын\* но, кудьёсыз лул-  
мугорзэс саптало, кузёосты кулэтэм каро, вылй  
властьёсты\*\* урод кылъёсын тышкасько. <sup>9</sup>Моисей-  
лэн мугорыз пумысен ченгешон потэм бере,  
Михаил архангел дьяволэн вераськиз, но сое со  
пыкылыса судить карыны ӧз дйсьты, но шуиз:  
”Кузё-Инмар тонэ судить мед кароз”. <sup>10</sup>Нош таос  
со сярись урод кыл верало, мае уг тодо. Кыл-  
дэмзыя, валасьтэм пудо-животъёс выллем, мае  
тодо, соин асьсэды сисьто-быдто. <sup>11</sup>Куректон-кай-  
гу соослы, малы ке шуоно, Каинлэн сюрестйз мы-  
но, Валаам кадъ кузьым октон сьӧлыке пыро но  
Корей выллем асьсэлэн вогъяськон сяменызы  
быро. <sup>12</sup>Таёос тйляд гажаса-яратыса улонлы сй-  
зем жытьёсады возьытэз валасьтэм сурон бамъёс  
луо. Тйледын валче кышкатэк сиыса-юыса, асьсэ-  
ды куайыто. Соос – тӧлэн нулйськись вутэм  
пилемъёс; ишкалтэм, кык пол кулэм, емыш сё-  
тйсьтэм сйзьыл писпуос; <sup>13</sup>асьсэлэн юрзьым макео-  
сынызы шукьяськись, лекъяськись зарезь тул-  
кымъёс; йыромыса калгись кизилиос, кудьёсызлы  
пумтэм вапумъёслы пеймытлэн пеймытэз дася-  
мын.

<sup>14</sup>Соос сярись азьпалзэ тодытыса, Енох но, Адам  
бордысен сйзьыметйез, вераз: ”Тани, Аслаз туж

\* 1:8 Ӗрекчи дышетйсьёс сярись мынэ вераськон.

\*\* 1:8 Татын вераськон мынэ Ин кужымъёс сярись.

трос сюрс святой кылчинъёсыныз Кузё-Инмар лыктэ – <sup>15</sup>соос пöлысь вань сьöлыклэсь кышкась-тэмъёслэсь вань урод ужъёссэс Со шарае поттоз, кудъёссэ соос сьöлыклэсь кышкатэк лэсьтйзы; вань лек кыльёссы понна, кудъёссэ сьöлыклэсь кышкасьтэмъёс Солы пумит веразы – ваньмызлы суд лэсьтоз”. <sup>16</sup>Таослы номыр но уг яра вал, соос-лэн номырин но кöтсы öз тырылы, мугорзылэсь юрзым кулэ каронзэ быдэсьяса улйзы (сьöлыклэсь кышкатэк, законлы пумит); вылтйяськыса вераськылйзы, асьсэлы пайда басьтон понна адямиос азын чеберьяськыса улйзы.

<sup>17</sup>Нош тй, гажаноосы, тодады возе Кузё-Инмармылэн Иисус Христослэн апостольёсызлэсь азь-выл ик верамзэс: <sup>18</sup>соос тйледлы веразы кызы берпум арьёсы мугорзылэн юрзым кулэ каронъёс-сылы сётйськыса улйсь мыскылляськисьёс потозы. <sup>19</sup>Та адямиос люкиськонъёс-висьяськонъёс ваё, соос – дуннелэн адямиосыз, соос бордын Святой Дух öвöл. <sup>20</sup>Нош тй, гажаноосы, асьтэдыз святойлэсь но святой осконды бордын юнматыса возе, Святой Духен тыр луыса вöсяськыса улэ. <sup>21</sup>Инмарез яратыса улэ, Кузё-Инмармылэсь Иисус Христослэсь гажан-жалянзэ пумтэм вапумъёслы басьтонэз оскиськыса возьмалэ. <sup>22</sup>Куд-огзэ, осконзы лябен шонаськисьёсты, жалялэ, <sup>23</sup>нош мукетьёссэ кышкаса уте, соосты тыл пöлысь поттэ, сьöлыкъёссэс шарае поттэ, но, со дыре ик, соослэсь кышкалэ, саптаськем мугорзы вылын возиськись дйськутсы борды йötйськыны ик юрдэ.



<sup>24</sup>Нош тйледыз усёнлэсь утыны, Аслаз пиштйсь данлыкез азе дун-шектэм, шумпотонэн пачыл карыса пуктыны Быгатйсьлы, <sup>25</sup>Одйг гинэ визьмолэсь но визьмо Инмармылы Утисьмылы Иисус Христос Кузё-Инмармы пыр вапумьёслэн кутсконысенызы данлык, быдзым луон, кужым, кузё луон али но, котьку но пумтэм вапумьёсы. Аминь.

